



**S**Omrus animi & corporis fortitudine insignis Baro extitit. Itaq; Pipini & Caroli Magni castra secutus, magnā uirtutis existimationē adeptus est. Habitabat is non procul à Rheno in montium faucibus, per quas Neccarus decurrit. Locus ille tum Eckenbuhel dicebatur. In eo loco aliquoties Pagani conuenerant, atq; Idolis suis sacrificia offerebant, unde postea Heidelberga urbs ibi ædificata dicta fuit. Is ergo Somrus Christianā fidem professus, post multa præclara facinora tandem Benedictinorum ordinē assumpsit. Itaq; in Eluuangen Monasterio Monachus factus, suam arcē, cum oppido Schriessen, & alijs circumiacentibus locis Ec-

clesijs obtulit. Vnde etiamnum Palatini principes, qui ea loca magna gloria incolunt, quibusdam præsulibus & Ecclesiarum prælatis ea de causā aliquo modo deincti existunt. Anon.